

Grad Novi Pazar

Skupština grada

Odbornička grupa SDA Sandžaka

Novi Pazar

25. oktobra 2021. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU IZVJEŠTAJA O SPROVOĐENJU ODLUKA SKUPŠTINE GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja je zakazana za 25. oktobra 2021. godine.

Predsjednik odborničke grupe

Ahmedin Škrijelj

PRIJEDLOG

Na osnovu člana 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 25. oktobra 2021. godine, donosi

O D L U K U

O DOSTAVLJANJU IZVJEŠTAJA O SPROVOĐENJU ODLUKA SKUPŠTINE GRADA NOVOG PAZARA

Član 1.

Obavezuje se predsjednik Skupštine grada da odbornicima dostavi pismeni izvještaj o realizaciji pojedinih odluka Skupštine grada Novog Pazara i preduzetim mjerama u cilju njihove realizaciju, i to:

- Odluke o obezbjeđivanju većeg učešća žena u procesu donošenja odluka izmjenama i dopunama opštih akata grada Novog Pazara, broj 016-8/20 od 22. decembra 2020. godine, („Službeni list grada Novog Pazara“, broj 16/20);
- Odluke o sprovođenju javnog konkursa za izbor lokalnog ombudsmana, broj 9-85/20 od 22. decembra 2020. godine, („Službeni list grada Novog Pazara“, broj 16/20);
- Odluke o pristupanju izradi programa zaštite životne sredine grada Novog Pazara za period od 2021. godine do 2023. godine, broj 501-121/20 od 22. decembra 2020. godine, („Službeni list grada Novog Pazara“, broj 16/20).

Član 2.

Predsjednik Skupštine će obavezu iz člana 1. ove odluke izvršiti u roku od 15 dana od dana objavljivanja ove odluke u „Službenom listu grada Novog Pazara“.

Član 3.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, _____. _____. 2021. godine

PREDSJEDNIK

Dr. Anela Šemsović

O B R A Z L O Ž E N J E:

Pravni osnov za donošenje odluke:

Pravni osnov za donošenje ove odluke sadržan je:

- u članu 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018);
- u članu 147. Statuta grada Novog Pazara („Službeni list grada Novog Pazara“, broj 6/19);
- i članu 137. Poslovnika Skupštine grada Novog Pazara („Službeni list grada Novog Pazara“, broj 6/19).

Razlozi za donošenje odluke:

Donošenjem ove odluke propisuje se obaveza predsjedniku Skupštine grada da odbornicima dostavi izvještaj o sprovođenju odluka donijetih od strane Skupštine grada.

Zakonom o lokalnoj samoupravi i samim aktima donijetim od strane Skupštine propisana je obaveza pojedinih organa grada Novog Pazara da izvršavaju odluke koje donese Skupština, kao i pojedinačna odgovornost lica koja vrše najodgovornije funkcije u gradu Novom Pazaru.

Imajući u vidu da se pojedine odluke Skupštine grada neizvršavaju te da odbornici nemaju potrebne informacije i podatke o realizaciji odluka Skupštine grada, neophodno je da se propiše obaveza predsjedniku Skupštine da odbornicima dostavi službenu informaciju u vezi postupka i faze izvršenja akata Skupštine grada koji navedeni u ovoj odluci.

Sve odluke Skupštine moraju se izvršiti, primjena selektivnog pristupa u vezi sa ovim pitanjem je neprihvatljiva, suprotna je zakonu i unižava dostojanstvo i kredibilitet Skupštine grada u očima građana i dovodi u pitanju svrhu njenog postojanja.

Dosadašnjim postupanjem, odnosno selektivnom primjenom odluka Skupštine grada negativno se utiče na motivisanost odbornika da aktivno i kvalitetno vrše svoje zakonom propisane poslove ali i se i sama lokalna samouprava udaljava od svoje osnovne funkcije zbog koje je uspostavljena i osnovana.

Objašnjenje pojedinih rješenja propisanih ovom odlukom:

Član 1: Utvrđen je predmet odluke, odnosno obaveza predsjednika Skupštine da odbornicima dostavi izvještaj o realizaciji odluka navedenih u ovom aktu.

Član 2: Utvrđen je rok za izvršenje obaveze propisane članom 1. ove Odluke.

Član 3: Propisana je obaveza objavljivanja u „Službenom listu grada Novog Pazara“.

Finansijska sredstva za sprovođenje ove odluke nisu potrebna.